





第一三四〇册

四庫全書

●上海古籍出版社

本冊目次

文苑英華(八)

宋李昉等奉敕編……一

卷一百一十四

欽定四庫全書

集部

文苑英華卷七百一十九至二十一

詳校官監察御史臣范衷

助教臣常倫覆勘

總校官進士臣朱鈐

校對官中書臣王瑣

謄錄監生臣趙位堂

欽定四庫全書

文苑英華卷七百一十九

宋李昉等編

錢送二

送題頭將使照破序一首

送吉州杜司戶審言序一首

暉上人房錢齊少府使入京序一首

錢陳少府從軍序一首

送懷州皇甫使君序一首

欽定四庫全書

文苑英華
卷七百十九

送尹補闕入京序一首

三月三日於瀟水曲餞豫州杜長史別昆季序一

首

送裴五司法赴都序一首

表侍御序錢永昌獨孤少府序一首

鄴公園池餞韋侍郎神都留守序一首

錢常侍舒公歸覲序一首

錢宋司馬序一首

景龍觀山亭集送密縣高贊府序一首

送李郎中赴京序一首

送李侍御之芳默中掌選序一首

送張補闕歸鄴序一首

送蔣曹曹充隴右營田判官序一首

送裴參軍充大稅使序一首

送遂州紀參軍序一首

送康若虛赴任金鄉序一首

欽定四庫全書

文苑英華
卷七百十九

送竇侍御知河西和羅遜京序一首

送王侍御赴劍南序一首

送麴郎將使默啞序

陳子昂

蓋聞北夷不羈之日久矣天子垂玄默穆皇風而狼居

芟心蟻伏請職歲一月上將恤戎乃以金草假麴公為

司賓卿載馳錦車諭意雲暮且欲傾單于之膝受呼韓

之朝不踰青春復命紫闕其忠臣烈婦之節感激壯矣

朝廷以遠赴

集作
赴此

絕國追送郊邱

集作
近郊

登熊山望雁塞

黃雲千里亭臯悠然食曰賦詩絕句以贈

送吉州杜司戶雷言序

前人

嗟乎德則有降才不必貴昔有耕於巖石而名動京師

詞感帝王乃位昇

一作

武騎夫豈不遭昌運哉蓋時命

不齊奇偶有數當用賢之世賈誼竄於長沙居好文之

朝在駟放於遼海況大聖挺象羣臣守規杜司戶炳靈

翰林研幾策府有重名於天下而獨秀於朝端徐陳應

劉不得劇其壘何王沈謝適足靡其旗而截筆下察三

欽定四庫全書

文苑英華
卷七百十九

十餘載秉不羈之操物莫同塵合絕唱之音人皆寂和

屏公愛補衛之俊留在京師天子以拒譚之非謫居外

郡蒼龍閣茂扁舟入吳告別千秋之庭迴掉五湖之曲

朝廷相送駐旌蓋於城隅之子孤游淼風帆於天際白

雲自出蒼梧漸遠帝臺半隱坐隔丹霄巴山一望魂斷

涿水於是邀白日藉青蘋追瀟湘之游寄洞庭之樂吳

歛是舞石琴左壺

一作五
琴石壺

將以緩巖客之心慰越人之

思杜君乃挾琴起舞抗首高歌哀皓首而未遇恐青春

一作之蹉跎且欲攜幽蘭結芳桂飲石泉以節味一作明節

詠商山以卒歲返耕餌求吾將老馬羣公嘉之賦詩以

贈凡四十五人具題詩里合絕集作絕

暉上人房餞齊少府使入京序

前人

永淳二年四月孟夏東海齊子官于此州雖黃綬位輕

而青雲望重故能委邦君而坐嘯屈刺史而知名屬乎

鑾駕廵方諸侯納貢將欲對揚天子令我同行集作執行人

欽定四庫全書文苑英華卷七百十九

玉帛而當朝擁驂驛而戒道指途河渭發引岷嶓粵以

丙丁之日次于暉公別舍蓋言離也爾其巖泉列坐竹

樹交庭吐青藹於軒牕接白雲於左右參差池榭亂山

水之清陰繚繞階庭離峯趾之異勢入禪林而避暑肅

風景於中掛閒水殿而追涼微氣埃於戶外瑤琴合奏

翠箏時行設窈窕於天人極留連於晷刻既而歡樂極

良辰征舉白日而不迴唱浮雲而告別山光照黯凝綠

樹之將曠嵐氣沉沉結蒼雲而遂晚雖同交未阻風月

可留岐路方乖關山成恨嗟乎朝廷子入期當貴於崇

朝林嶺吾棲學神仙而未畢青霞路絕朱綬遂還言此

會之何時願相逢而誰代永懷千古豈知仁者之交凡

我三人益崇不朽之迹斯文未喪題之此山同疏六韻

云爾清陰集作清商

餞陳少府從軍序

夫歲月易得古人疾沒代不稱功業未成君子以自強

不息豈非懷其實思其用然後以取海內之名以定當

欽定四庫全書文苑英華卷七百十九

年之策展其才力受以驅馳少府叔鳳彩龍章才高位

下班起達慕每言關塞之勳謀疎長懷恥為州縣之職

屬胡兵犯塞漢將臨邊商君用耕戰之謀充國起屯田

之策皇華出使言收疆場之功白水關筵遂為雲雨之

別爾其蒼龍解角朱鳥司辰海景黃集作天炎光折地

山川漸遠行人動游子之歌樽酒未空送客起賀交之

贈嗟乎楊朱所以泣岐路蘇武所以悲絕國古之來矣

盡各言志以敘離歌

送懷州皇甫使君序

宋之間

甸服三百里共京都參化良吏二千石與天子分憂覃懷真區必寄能者皇甫使君累司寵職夙著香名威惠歷刺於外臺風流載欽於京國議者應南宮之象實謂光朝使乎奏西河之能更勞為郡檐帷即路供帳出郊宿雨碧滋浮漢城之氣色朝陽紅景入太山之草樹新豐美酒不換離心巫谷重關能掘別恨河內未理暫借寇恂潁川既解停歸黃霸廟堂側席羣公以尚義相高欽定四庫全書

文苑英華卷七百十九

六

送尹補闕入京序

河間尹公博物君子解褐調慈州司倉白雲在天不樂為吏有竹林近郭杜南山彈琴讀書日益淪放雖道貴物外久無世情身遜名高再顯天爵遂使公卿舉手羔雁成羣無何勅書到泰微詣巫洛天子以其老成達學昂藏有古人風命典著書職在補闕時議以為伯喈得

召仲甫登聞既而藉馬入關西攜老幼重見喬木載馳舊山愈出處事違居人惜別離車將遠凡我同志賦詩贈行

三月三日於灊水曲餞豫州杜長史別昆季序

前人

上已佳游近郊春色朱軒映野見東流之袂襖白雲在天愴南登之送別杜長史言解灊潯將適荆河戀舊鄉之喬木藉故園之芳草鵲原四鳥是日分飛輿泉二龍此時云遶綠潭一望青山四極泰人去國乘右輔之脩途洛客思歸憶東京之曲水請染翰操紙即事形言各賦蘭亭之詩成申葛陂之贈

欽定四庫全書

文苑英華卷七百十九

七

送裴五司法赴都序

夫有別必感今皆共之蓋理逼聚散事均窮達望泰是斷腸之所況念故園懷洛多掩涕之人更分良友裴五官業傳河實才誕岳靈彩思有神鬚眉若畫一日不見鄙悵都生千里送歸風流忽遠朝英出餞迴北走於郊

隅野壑銷芳引南山於庭際客飲恨而激促席含情而
景遲日喬樹之將華青門戀舊背芳堂之稍吐金谷逢
春舉杯伊何願君軫之少駐賦詩於是旌余志之所之
敢謂座賓盡宣離唱

袁侍御席餞永昌獨孤少府序

前人

春其暮兮勞志士之幽歎友其行矣結吾徒之遠悲豈
不以時物華盛好事者賞而不足名流才子相歎者懷
欽定四庫全書

文苑英華
卷七百十九

而不見河南獨孤冊風儀松竹詞賦雲泉清義多一作計

南史之才選署半一作署

北部之慰袁侍御風霜利器金

石宏材執憲稱桂下之雄禮士探域中之俊爾乃撰展
開宴考地疏筵落花覆沿懸藤掃砌竹林以清氣發
蘭畹以芳心愛客環坐三尺起君子之風祖道百壺酌

賢人之酒去留交軫舞詠相喧管召魚樂杯蕙罵醉此
時奚集作生怨感集無何是日增悲韶芳亦盡啼鳥送晚

暹棲御史之林班馬嘶歸近送舍人之驛夫登高動詠

贈遠形言豈鄙懷之庶幾乃羣公之事業盡請離唱用
貴洛陽之紙馬人採一言各題四韻

鄴公園池餞韋侍郎神都留守序

張說

夫良才出乎休運大任歸乎令德四海既安乃注意於
賢相兩都分正實具瞻於師尹鸞臺侍郎兼左庶子韋
公國之楨幹人之表儀矜嚴有叔子之容持重得揚公
之望門集作開通禁省當朝稱累代之名管綜諸閣帖職

欽定四庫全書

文苑英華
卷七百十九

九

畫一時之美頃以五星東東八月西巡武王既入於鎬
京君陳當往於洛邑者集無者字中日晷之盈縮均天宇之
會同清廟明堂政理之本也穀倉武庫兵食之原也機
務所總半天下之軍國聽訟寔繁連海隅之郡縣恩有
密而處遠事有疎而授親腹心遐寄惟賢是屬歲臨單
閏月在長贏同蕭何之居守當陰識之留鎮北闕拜辭
西堂宴餞大君垂藻承集作來月露之光榮元良賜服被
星海之耀潤執事以同列之好載壺酒而送行鄴公以

彌甥之禮掃郊園

有集字

留別此地有離洲別嶼竹館荷

亭曲沼環合而連注叢山相望而間起幽隱長寂蕭條

遠風通終南之雲氣下昆明之水鳥爾其駐馬青林肆

健碧岸清管四發坐客增悲高堂一望潯人忘返韋公

方祇率嘉命保釐成周樹之風聲流我王澤然而臨觴

不樂首路逕逕通闌夕拜慙未央之宮闕錦服書游懷

杜林之桑梓層城日下高蓋雲飛天子賦詩已載寵行

之史羣公盛集酒傳出宿之文凡若干首合成一卷陸

欽定四庫全書

文苑英華
卷七百十九

十一

生何幸暫游朝宰之間商也悲然輕述國風之序云爾

錢常侍舒公歸觀序

蘇頌

右散騎常侍兼國子祭酒崇文館學士舒公邦之碩儒

也富於學深其智秉辟雍之禮講金華之義者嘗有日

焉辨大而言若訥位高而志益下造膝則人無異辭匪

躬則我有餘力儀正可象聲希必應此所以孔光客而

張輔寵也故進避榮而榮自取退崇讓而讓得之既而

命列帟旂煒煌照於西第徒成俎豆恭懋馳乎東國每

酒涕而祈主將候顏以拜親天子懷公達之舊惜康成

之往乃睽中留久而下制是月惟閏乘春載陽服老萊

之衣飄組大二擁終童之傳送車數百晨省偉其傳呼

畫游嘉其飲餞來而喜懼經躍經之新泉至則光輝對

迴龜之舊浦夫志於道者二三子之莫逮善於孝者千

萬人之所說未有母誠注於闕下白首登於堂上門生

仰而結轡邦牧趨而負弩豈非訓虞一作虞受封就宋傳

業俾魯師之教者其馮母之榮乎於是綠庭華省之家

欽定四庫全書

文苑英華
卷七百十九

十一

虎觀鴻都之士屬鵠鴈鳴矣揚柳依依情搖江上之楓

思結河邊之草吳州日見楚山雲絕莫不捧袂黯然彈

毫以贈庶幾離言之至知儒行之尊歟

錢宗司馬序

張九齡

宗司馬才過命寒雲泥盤

集作端

蔡邕朔方不廢髮書

之業賈誼宣室欲言鬼神之事既而出宿南浦與鴻雁

而以

集作

同歸追錢北梁對江山

集作丘山

而不樂是日渚雲

欲霽林鳥將春惜時物之芳華重情人之白遼羣公有

感中座無歡他日清風自當玄度之夕茲辰零雨得無
子荆之詠遂相與援翰賦詩贈行

景龍觀山亭集送密縣高督府序

前人

景龍東山初生弟也始其署金勝築鳳臺窮土木之功

極岡巖之勢議與盤古

集作石

同體造化較力何其壯哉

自吾君茅茨不翦求祿不斷既抑華而務實將設教以
垂範以故平陽化馬罷歌舞於其地麻姑見者變桑田

欽定四庫全書

文苑英華
卷七百十九

三

於此時所謂長女之宮鬱為列仙之館其後常

集作嘗

有

好事以為勝游今日芳辰攜手接袂往往而在祇取樂
焉高十官雌伏都畿星言至止聞殊庭之可尚召嘉賓
以相曜徒觀其匠幽奇宅夷壇十里九坂豈唯梁氏之
作千巖萬壑是吳中之事青林脩疎集作舞而垂綵綠
蘿蒙籠以結陰清流若鏡下照金沙之底雜花如錦傍
綠石茵之崖則可以藻飾形神揮斥氛滓相顧風塵之
表無負雲霄之槩既而東主西賓酒酣樂闋聚必有散

匪伊靡鹿之羣往而不返固亦山林之弊高公乃振衣
而起舉杯有屬都計送人出長安之東道退思征馬向
洛陽之南陌雖暫勞於州縣迫於簿領方欲厭於承明
賓其繁躍夫如是相知意氣何恨仇離盡賦詩焉以贈
行者

送李郎中赴京序

孫逖

今上有天下之十載鑒輅在鄴而大夫師長庶士御事
分曹成周俾贊居守歲八月詔下東都召水部員外郎

欽定四庫全書

文苑英華
卷七百十九

三

李公拜工部郎中崇德也李公主善秉哲敏才慮行孫
光能明冥樞自達始以茂才擢第與今中書舍人許公
俱補庶陵掾相與沿達淮泗嘯誦雲物雅頌有鑠東南
有光官匪慢而趣成道不行而樂在自時厥後蓋四三
年或翰飛禁垣或鷹騰仙闕接武軒陞迭耀絕劍夫豈
求之歟皆溫良恭儉讓以得之也所謂謙受益德必聞
崑崙琅玕南國摘柚無遠不屆彼何言哉傳置具車僕
亭出餞西顧沆碣北陰肅殺風落峭灑霜飛河濟金甌

載馳紫亭何遠夫居四民時地利周所以貴冬官草奏
議應列宿漢所以寵郎署之人也之德也必能簡孚乃
職克休厥聲天秩虛求名疑庭反席矣凡今作者賦詩
贈行

送李侍御之芳巖中堂選序

高陽氏之才子侍御其人焉夏之文求也藝兼而有之
矣頃者持斧河朔獨按專城明罰飭法所向風靡是以
有黠中之往俾脩河朔之政不然者何萬里而南為至
欽定四庫全書
卷七百十九
如遐荒靡莫之俗置吏羈縻之道則衆庸敏之矣僕談
者何得而稱焉

送張補闕歸鄴序

余射策於洛城南門者有年數矣補闕張子嘗同案征
逮揮翰於禁庭又聯官於近侍人各有舊所貴於同聲
吾愛其才敢忘於久要承明殿五河朔言歸且鄴惟舊
都漳有深涉昔聞七子今在一門北州為營常有聚星
之會西垣贈別請陳零雨之詩

送將曹充隴右營田判官序

前人

古之使臣必有命所以謀闕計事類能撰功將侯之
往佐輶軒蓋其義也夫其敏行精識長才博聞克荷詩
禮之訓聿脩清白之業故妙年從官已著老成之風早
飛未聘共許垂天之翼是行也必能使田有封漁事著
典常儲峙孔殷甲兵不頓愛人許國何以尚茲時中丞
公亢寵天朝而子勤役邊鄙豈不以策名季質者義方
欽定四庫全書
卷七百十九
之大訓出入顧復者常情之小慈不貴垂堂之說選嗤
倚門之望懿乎哉又聞君子之遠其子也河隴先秋鷹
隼方擊贊成糾慝今也其時羣公題之賦詩以贈

送裴參軍充大稅使序

古之王者稅公田衡虞之人給郊廟賜與之用無有逋
逋成率乃職越會稽郡者海之西鎮國之東門都會稽
育膏肆兼倍故女有餘布而農有餘粟以方志之所宜
供天府之博斂筐絲紵緇金刀浮江達河命為汎舟之

後撰功底績實賴飲水之使是行也裴子為政焉乃命水工具行器節制費用詳度川陸指洞庭以北上向長安而西去談笑之外厥有成功搏俎之間見其從事展使能者非子而誰而疇昔交情今茲吏道數淪落於荒服結殷勤於官次喬木之國子其歸乎篁竹之鄉余何為者肝膽楚越始合終離嗚呼岐路素絲得其幾矣十月冬旱三江晝晴渺故園之黃落見長河之鴻雁澤國山水天資助人災方草樹歲寒未入居者受客行者徇

陟攬涕何道賦詩詠曰

不錄

送遂州紀叅軍序

遂州參軍紀公吾友雲將之令弟也敏於行志於道克脩民彝允副兄勗噫周公之階紀為其首天祚明德必將有後不然何棟華之可久也選曹舉善羣吏湏才九霄始構一命而偃穆卜吉日邁征畏途緬躋岷峨遐涉

褒漢宿恩嚴險凌臨滿悍仗信不慄載義必亨方慕忠臣之志固無垂堂之責爾之寡兄克施有政是則是效念茲在茲福利則覲心永隔遠嫌則荒言自絕固雖叩甕之產巴蜀之饒不潤脂膏誰謗意滋懸厭丕德時維哲人羣公贈言要僕題序

送康若虛赴任金鄉序

昔太史公涉汶泗登鄒嶧以觀孔氏之遺風康子之吏於是邦有以見古人之心矣況大君出豫將事升中之禮有司擇人俾佐奉高之邑利在求舊急於使能位俾才難亦可宗也夫強學者義之用工文者藝之本明識者智之府令名者德之興子曰疑四德以待百事如農之既勤若射之有志行無越思往無不利彼游刃於理劇固恢恢乎有餘地矣初余以朋友之故請居荒服懷忤湘沔縉雲不調明時殆將十載是舉也所謂理舊汙續常職信有國之令典知若人之晚成五月鳴蜩載驅翹翹贈之維何折彼桑條餞之維何席彼芳蓂炎雲往

天景風拂野時煥方熾吾子勉之請各賦詩以無忘平生之好

送實侍御知河西和羅還京序

高適

天子務西州之實歲羅億計何始於貴取而以耗稱伴
邊兵受寒賊馬多度輓域中之稅鑄海上之山江淮之
人蓋奔命矣豈時賦之地抑以從來將利害之鄉猶有
所關廟堂精思其故表實公自憲聞而董之闢精

欽定四庫全書

文苑英華
卷七百十九

十一

集作
開釋

業壯之病發揮茵莽之極政之大者不其然歟今農夫
力於必登廩賈知夫勇賤鳴

集作

於盛若惟思之義以見

天下之兵我幕府涼公勤勞王家常用此道干戈所適
戎狄相弔宜哉八月既望公於是領錢穀之要歸奏朝
廷副節制郎中裴公軍司馬員外李公追臺閣之舊游
惜軒車之遠別席樓船於池上泛雲物於城下胡琴

集作

羌笛綠綵繞限隄嶺羅拉

集作

裴映帶洲渚醉後歡甚

東日遐瞻

集作
林口高

語岐路於樽前指華京於天眇有若

司直崔公之逸韻嘉其廷評數賢之間作適忝斯人之
後敢拜首而序云

送王侍御赴劍南序

陶翰

國家既誅邛笮之游魂收滇池之陳地以蠻貊君長未
即叙徵外新國約非甚堅將欲宣王風布中典必候才
英矣監察御史王公志標勁節天假異能秉心而忠義
必聞多方而文武不墜我中丞鮮于公以功名立破城
江南闢啟而虜不敢窺城峻而敵不敢守者皆倚匡時

欽定四庫全書

文苑英華
卷七百十九

十一

集作
鹿

之策仗橫行之氣不然者豈有夕捨一尉旦唐
軍吁衡於不毛之間決勝於大荒之表取廷評者決月
登憲府者周星繡衣服於江原風霜掃於劍壁斯不足
畏矣中朝名雅嚮義趨風錢筵傾誠翰墨紛囑百壺追
送來登董原之野萬嶺蒼然更繞華陽之國予以授簡
敢無斯文

文苑英華卷七百十九

欽定四庫全書

文苑英華卷七百二十

宋 李昉等 編

餞送三

送封判官攝監察御史之磻西序一首

送史判官之河南序一首

送李參軍水運序一首

送李參軍序一首

餞崔朔司功入計序一首

欽定四庫全書

文苑英華
卷七百二十

送蕭少府之幽州序一首

送崔司戶過隴迎大夫序一首

送崔二十一之上都序一首

送孟大入蜀序一首

送惠上人還江東序一首

送王大拔萃不第歸睢陽序一首

送盧涓落第東還序一首

送謝氏昆季下第歸南陽序一首

送田八落第東歸序一首

江州卧疾送李侍御序一首

送十三舅適越序一首

送房七西游梁宋序一首

送薛九遠游序一首

送薄九自牧往義興序一首

送張十五往吳仲序一首

送觀往吳中序一首

欽定四庫全書

文苑英華
卷七百二十

送河萇序一首

送蔣十九大奏事畢正拜殿中歸淮南幕府序一

首

送于兵曹往江夏序一首

送李兵曹往江外序一首

送孟校書往南海序一首

送封判官攝監察御史之磻西序

陶翰

夫子以忠義為名以才能為用頃年投筆多制勝之讓
間成策勳有斯皇之命以西師之未解石地之多虞何
寧此材豈獲居息我主將所以封弱水擒月氏畧康居
取勃律雖出車之任事屬於才能而入幕之賢功歸於
帷幄嗟乎非萬里無以見遠圖非三軍無以知壯節古
人於是歷孔道窮河源豈勤勞而樂行役甘絕域而厭
諸夏必以為擔石者能喪志懷安者也而拜命封侯功
成事立不同日言矣絕哉封子守其嘉謀輔軒將馳驅
欽定四庫全書

大元集卷
第七百二十

三

送史判官之河南序

子始以詞進而果以政聞拔起翰林激昂儒服朝升一
尉暮入五府漢東之駕纔返河南之轍適至皇皇之命
未嘗寧居將欲拒其辟書鰲其利用若清規雄烈已異
於天下矣周鄭之風好辭齊魯之政或訛使戎臣所以

政於勵精銳於填舉以東夏侯子得無戒之哉於是
中朝名士左補闕任侯序其詠詩太常主簿楊公鳩其
宴餞筆墨以之聚至文章以之感合不有君子胡寧是
馬中條氣凝河水將壯關中送客美使者之賢泗上諸
侯感主人之禮慎爾行役勉哉軺軒別筵再興詞賦間
作故我有後甲之術凡不在任氏之唱者實隸於斯矣

送李參軍水運序

欽定四庫全書

大元集卷
第七百二十

四

壯哉大河之功也南分淮泗東委溟渤呀呷長川呼吸
萬里若舟楫是戒風濤無虞則三萬之廩可得而西矣
故朝廷大役實難其人李公精義宏高德量魁連聲聞
關右義徹浙川我侍御史薛公資之以成務也於是驛
騎首路列筵在庭山川且長語笑云隔勵其節宣其規
使白波徐清紅粟流行則國家之事濟矣勉游故交不
敏詩以投贈之

送李參軍序

人生相知心乎僕之心嘗語君矣相天殿以志相忠以

言以居則無悶以動則無悔孰謂子非天下之知己乎
同官為僚同志為友豈不欲晤語終日盡平生之歡然
而天時者盈虛也人事者倏忽也一合一否與時而來
不有聚何以同二人心不有散何以見四方志長揖而
去勉哉東軒楊花初飛郊草先碧自秦及洛雲山千里
子衿之首章善矣吾從也

錢崔朔司功入計序

冬天子至自河華中使至司功崔公朝於京師禮也今
欽定四庫全書

文苑英華
卷七百二十

五

天下有道聲教必被要荒來格況其過者乎政莫大於
殷會使莫大於述職故學於禮足以專對崔公近之矣
及夫三物成者斯義歟征縣如飛郊暮來祖渭上西眺
寒源無色賦皇華而送崔氏行馬

送蕭少府之幽州序

頃林胡大寇邊殺右將軍於是幽薊之北門不啟天子
方憂朔漠之事問虛龍之策公安得收其宏畧匣長劍
塊然為一尉哉夫感於事則忠義全登於危則臣節見

必也海水晏蕪山空代雲胡沙謔笑而靜蓋王師之義
全言未畢征馬將散三嘯於離郊之上報而辭焉

送崔司戶過隴迎大夫序

大公銜緋海衛東歸玉門戎夏已康金甲已息伊大夫
皆受賜矣矧司戶公詩禮是最庭聞是故疑假轡軒登
隴雲而四望矣吾朋乃驅征騎攜旨酒歌白雲以贈之
關河始風秋草尚碧衆皆詩人也安闕乎文哉

送崔二十一之上都序

欽定四庫全書

文苑英華
卷七百二十

六

士之相知故不在舊僕一覲君詞志慷慨情幹絕人是
欲片心樹善君子風義相感笑言卒獲時不與而清秋
至樂未央而別恨生則臨岐惻然把袂如失蘭可佩也
擬而贈君酒可忘憂酌以酬我且士為疑當世虛已之
運主司推心之時而不能翰飛冲天凌勵勁翮非人英
也子之往矣吾無間然乃徵詩察以贊行色

送孟大入蜀序

東陽孟浩然精朗奇素幼高為文天寶年始游西秦京